

# Brama

I so capelli di ventu  
Lucenu più ch'è lu sole  
In lu mio paese notte  
In lu mio lettu di fole  
Lu mio pratu inveranitu Bis  
Da li so ochji fiuritu.

Ella hè di luce dolce  
Curbe fatte pè carezze  
Quandu songu à le so forme  
Musica di tenerezza  
Sentu chi l'aria ne trema Bis  
La mio pella torna scema.

La vogliu veste di basgi  
Più caldi ch'ogni calore  
Dendu u focu di u mio corpu  
Cum'è un dolce liquore  
Da tene in le nostre strinte Bis  
D'ogni brama lu sapore.

E candelle chi sò falate  
Da lu celu di veranu  
Longa quant'è lu mi amore  
Li ne vogliu fà cullana  
Da nùn pudè cuntà l'ore Bis  
Da nùn pudè cuntà l'anni.

Ma s'è u tempu cambia versu  
A la forca di li venti  
In lu mio paese notte  
Lu mio lett'à core spentu  
Sterà cum'è una lumera Bis  
Lu so sguardu d'accunsentu.